


庸

齋

集

二



膳錄貢生臣吳士英

宋 趙汝騰 撰

齊 齋

書 齋

年監于以憲目勉膺君命雅在里居陪宿老以扶藜獲
聖德扶植衆賢取以表
居正聰德思恭紹開

觀溫詔指輔藩而閭戍行布寬恩

皇子進封忠王賀表

大君有命元子進封邦家榮懷海宇慶抃中賀臣聞植
宗藩所以開聖緒加位號所以塞衆心若天禧縣壽春
而畀昇如治平自淮陽而更潁肆在今日率由舊章恭
惟皇帝陛下堯智如神文謨垂後以天下為大器強本
尚親進地圖具禮儀分茅建國頂勝衣既賜履於潛邸
茲重冠爰躋爵於真王星連參井之輝祚等箕翼之壽

臣猥叨保鄣遥睇觚稜誦漢制廟立之詞與父老而同
喜陳賈誼習貫之疏祈左右之皆賢

天基節賀表

太族應於孟春虹流紀瑞神策增于甲子虎拜馳忱無
疆惟休有截稱慶中賀恭惟皇帝陛下聰明時乂問學
日躋總攬權綱法乾旋坤轉之妙舉錯直枉洞陰闔陽
開之機茂迎震夙之辰益行簡穰之貺臣猥縻漢障遥
想兕觥近天子先知仰瞻於皇極祝聖人壽更申頌以

多男

天基節賀表

太族為生物之津祥開電繞甲子增授帝之筴祝效嵩
呼萬年無疆四方來賀中賀恭惟皇帝陛下聰明時乂
齊聖日躋以清靜治邦家至仁無欲以忠厚待臣庶大
德曰生壽與天而比崇福如川之方至臣身縻符竹目
遡觚稜昔殿中綴班曾預兕觥之列今海濱上表遙伸
虎拜之恭

天基節賀表

頒歷更元杓攜龍角建極居五節紀虹流喜溢乾坤頌
形海寓中賀恭惟皇帝陛下聰明時乂剛健日新德廣
曰生收必世後仁之效業垂可久為詒謀燕翼之恩瑞
應河清福如川至臣勉膺符竹尚伏田閭奉漢玉卮遙
想嵩呼之盛上唐金鑑俯伸華祝之忱

天基節賀表

聖與天而比崇應乾九五筴授帝而在甲為春八千祉

輯端門頌形寰宇中賀恭惟皇帝陛下聰明時又剛健
日新好生之德洽民推仁宥罪不殺之武定業以善勝
殘瑞紀星虹壽齊箕翼臣猥縻漢障阻造周行成天慶
以垂基恭想兕觥之奉揚王休而稽首敬賡虎拜之歌

天基節賀表

帝撫五辰生於甲子天錫萬壽對此春祺一人尊榮四
海慶抃中賀恭惟皇帝陛下齊莊有敬溥博無私化久
而成能盡體常之道澤潤而洽既踰必世之仁節紀虹

流福如川至臣猥叨禁從屬領麾符望魏闕金雀之棲
莫躋舞蹈想漢班玉卮之奉遥寓頌祈

天基節賀表

星渚呈祥先春三日華封伸祝後天萬年無疆惟休有
截稱慶中賀恭惟皇帝陛下聰明時乂緝熙月將以博
施濟衆為心好生不殺以皇受建極為念立賢無方用
迎神策之增益迓聖圖之遠臣分符輔郡遡目清都聲
效嵩呼阻蓬班於北闕光寒斗口遥馳頌於南山

元正賀表

開歲五日光昭華渚之星為春八千增受泰元之策惟
均有截慶輯無疆中賀恭惟皇帝陛下法式生知淵泉
時出體信達順淳令穡寶之告豐去殺勝殘坐底邊塵
之不聳齊大年於箕翼等盛烈於山河臣猥使周原阻
班漢陸莫遙兇魘之稱壽隄效嵩呼益廣舜德之好生
仰伸華祝

皇太子冠禮賀表

震為主器肇錫真王筮重賓儀始加元服光前令典有
截歡聲中賀臣聞燕翼子所以昭聖謨故嘉事所以為
國本在昔祥符之盛際嘗有壽春之舊章冠禮舉於戊
寅冊封見於辛卯曠彌文之久隆喜今日之復行恭惟
皇帝陛下從諫轉圜以身為度謂皇子賴天趨拜久矣
勝衣命醴辭令月薦芳俾之受弁元良以正三加彌尊
臣濫任承流阻儕醺酒莫效晏殊之獻賦以遇贊揚願
選馮元之講經俾精教導

明堂慶成賀表

郊之言禋類於上帝廟焉而饗洽于先王禮既熙成神
亦歡洽中賀恭惟皇帝陛下嚴恭自度聖敬日躋蠶
儲精肅平居之對越齊莊奉幣舉大報之親祠后皇愉
臨祖考來燕驗豐融之肝鬯肇碑隱之休嘉臣濱海分
符望雲拜詔駿奔執豆阻陪多士之恭猷獲若麟遙想
有司之薦

明堂賀表

祀修美報禮極熙成乾坤清寧海寓懽洽中賀恭惟皇
帝陛下巖恭自度聖敬日躋雅聲遠揚廟焉而親饗令
芳嘉薦郊焉而帝臨既格一純咸來百順臣猥居槃澗
遥睇清壇誦伊嘏之詩莫預奉璋之髦士效祝釐之禱
仰祈錫福于庶民

明堂禮成賀表

嚴父莫大於配天於昭孝奏惟聖斯為能享帝丕顯休
成兩間薦辛四海稱慶中賀恭惟皇帝陛下寅畏自度

祇敬不違先甲齋居八神警蹕季秋美報百物迪嘗欽
柴之禮既竣蓼蕭之澤斯溥臣猥司保障遙睇觚稜歌
清廟相祀之詩阻陪奔走賡明堂孔陽之頌仰贊緝熙

聖製忠邪辨謝表

知人則哲惟帝其難聽予作猷曰王不愚凜若春秋之
筆粲然星斗之芒中謝竊惟為臣之義不同事君之忠
則一諫有直有婉而要歸於責難陳善仕或去或隱而
必揆以立懦廉頑堪猛望之均於徇公滂臍徐穉皆為

合道必因其跡以邇其心恭惟皇帝陛下修己任賢尊
帝籲俊舉伊尹不仁者遠上智如湯去驩兜何畏孔壬
大功同舜崇獎蹇蹇匪躬之節作成諤諤犯顏之風自
端平甲午更化而浚其原迨淳祐乙巳改紀而振其響
凡縉紳錙銖之善皆天地覆載而成公議流通士氣昌
盛近者間隣於激訐乃致小厭其紛紜聖謨洋洋雲章
炳炳刻琬琰以示下期防範而歸中煥乎龍驤鳳翥之
文赫然魚躍鳶飛之造臣祇拜教令敬佩韋弦因思人

主一心攻者甚衆臣下萬態辨之實艱惡繁亂未固當
審售偽假真之病因噎廢食或恐貽以精失士之憂蓋
國將興必樂骨鯁之猷而人欲病先厭魚肉之味是以
武帝踞視衛青之貴見汲黯則必冠太宗面折士及之
諛指魏徵而為鑑洎我聖朝之家憲尤重天下之人言
乾德開基則取已壞地之疏而復行太平興國則擢能
獻策之士於高等真皇對劉沆而追思田錫仁祖劣遽
瑗而甚優史魚神廟敬光之為人至容其詆新法孝宗